

Mál. 15. 11. 1994

Samstarfi við aðra flokka var hafnað

Borgarnesi. Morgunblaðið.

A TÓLFTA landsfundi Kvennalistans, sem haldinn var á Varmalandi í Borgarfirði 11. til 13. nóvember, var samþykkt að flokkurinn myndi bjóða fram lista í öllum kjördæmum í næstu alþingiskosningum. Einnig var samþykkt að ekki yrði leitað samstarfs við önnur framboð eða tekið þátt í kosningabandalögum með öðrum flokkum.

Tekist á um leiðir

Aðspurð um helstu mál landsfundarins sagði Jóna Valgerður Kristjánssdóttir, formaður þingfloks Kvennalistans, meðal annars: „Kvennalistinn var skipulagðari heldur en nokkru sinni fyrr í þeim skörpu, en málefnalegu umræðum sem fram hafa farið á þessum landsfundi. Það var tekist á um ákveðnar leiðir að þeim markmiðum sem við höfum sett okkur. Sem eru m.a. að koma fleiri konum til áhrifa í þjóðfélaginu og að þær séu þar sem ákvarðanir eru teknar. Okkur greinir nokkuð á um hvaða leiðir Kvennalistinn á að fara núna en markmiðin eru þau sömu.“

EKKI MEÐ ÖÐRUM

Sagði Jóna Valgerður að landsfundurinn hefði ákveðið að Kvennalistinn byði fram um allt land í næstu kosningum. Ennfremur hefði verið ákveðið að ekki yrði leitað samstarfs við önnur framboð. Aðspurð hvort Kvennalistinn hefði ekki einangrað sig pólitískt með þessari ákvörðun sagði Jóna Valgerður: „Í fyrsta lagi þá höfum við aldrei fengið nein formleg boð, hvorki frá Jóhönnu eða Alþýðubandaluginu, um sameiginlegt framboð. Það eina sem hefur verið að gerast er að það hafa ýmis félög, núna síðast Birting, verið að skora á þessi samtök öll að ræða hugsanleg sameiginlegt framboð. Þess vegna var betta tekið upp núna, á þessum fundi, við vildum ræða það hvort að við værum til-



Morgunblaðið/Theodór

FRÁ tólfta landsfundi Kvennalistans sem haldinn var á Varmalandi í Borgarfirði um síðustu helgi.

búnar að skoða sameiginleg framboð eða kosningabandalag þessara aðila. Það var alveg greinilega meirihluti kvenna á fundinum sem ekki vildi vera að neinu samkrulli fyrir kosningar. Hins vegar kom það skýrt fram í umræðunni að í sjálfu sér værum við ánægðar með það að Jóhanna færí fram og kæmi barna inn í þetta flokkalitróf með breyttar áherslur. En ég lít ekki svo á að Kvennalistinn sé neitt að einangra sig, frekar en einhver annar stjórnmálaflokkur.“

Erum á krossgötum

Aðspurð um landsfundinn sagði Sigrún Jóhannesdóttir kennari á Biröst m.a.: „Við erum í rauninni á talsverðum krossgötum núna. Með framboði Jóhönnu er komið fram nýtt afl í pólitíkina sem við finnum að tekur væntanlega hluta af okkar fylgi og við þurfum því að bregðast við því á einhvern hátt. Efni þessa landsfundar er að setja saman stefnuskrá og það sem ber hæst er að sjálfsögðu atvinnumál og atvinnusköpun. Í beinu sambandi við atvinnu og kjaramál eru umhverfis-

mál og þess vegna koma þau alls staðar inn í umræðuna. Undirstaða þess að hérlandis geti þrifist atvinnulíf sem gefi góðar tekjur er að ímynd Íslands sé góð. Að við gefum þá ímynd að hér sé hreint land, góðar afurðir og vel menntað fólk.“

Vilja í ríkisstjórn

Á fundinum var samþykkt ályktun þar sem er lýst yfir stuðningi við sjúkraliða í kjarabaráttu þeirra.

Í stjórnmálaályktun fundarins segir m.a.: „Í komandi kosningum mun Kvennalistinn leita eftir stuðningi til þess að vinna að framgangi stefnumála sinna með þátttöku í ríkisstjórn. Við ætlum að vinna að markvissri atvinnuupþbyggingu, bæta kjör kvenna og fjölskyldunnar, snúa af braut blindrar hagvaxtar- og peningahyggju, auka lýðræði og áhrif almennings, bæta síðferði og tryggja sem best hagsmuni Íslendinga í samskiptum við aðrar þjóðir, án þess að fórnar rétti okkar til að ákveða eigin framtíð og gerð þess samfélags sem við viljum búa í.“